



Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 17. Belgii Ordinum molima ad præpediendum Arausisionensis adventum.

[urn:nbn:de:hbz:466:1-67263](#)

Sæcul. XVI. Arausionensem Principem ad summum Pontificem ablegat, ut ipsum excusaret, quod ipsemet Romam veniens debitum Sanctitati suæ obsequium non deferret, cum a Philippo Rege suo quantocuyus crescente per moram periculo in Belgium contendere jussus esset. Enimvero Albertus mox Genua in Sabaudiam deflexit, superatisque alpibus, necnon recenti militia ubique conscripta ex eunte Mense Januario Lucemburgum venit, obviam procedentibus Provinciarum Præfectis, Feriae Duce, atque Ernesto Bavaro Coloniensi Archiepiscopo: tandem vero die undecima Februarii cum ingenti Procerum comitatu, ac magnifica prorsus pompa Bruxellas ingressus est.

§. XVII.

Belgii Ordinum molimina ad prædiendum Arausionensis adventum.

**Thu. l. c.
Gansou in
complem. M.
Campuna de
bello Belg.**

Interea Belgii Ordines vix comperto Philippi Nassovii Arausionensis Principis reditu mox ad eum literas dabant, in quibus recuperatam ei libertatem gratulantes dissuadebant, ne in Belgium pedem inferret, sed potius opportunum præstolaretur tempus, quo eorum, qui ipsum sincere diligunt, opera, ac fide publica tutus in fœderatas provincias venire posset, cum ægerrime ferrent, quod

quod libertatem illis debere teneretur, **Sæcul. XVI.**
qui occiso ejus Patre per tot annos pa- **A.C. 1596.**
triam oppresserant, quapropter etiam
favorem ab ipsis obtentum suspectum
haberet: verumtamen Arausionensis ad
has Ordinum literas die prima Februarii
rescripsit, quod eorum gratulationem,
continuatumque favorem memori ani-
mo recoleret, mutata autem rerum,
temporumque vicissitudine mutuam eis
benevolentiam rependere præpediretur:
de cetero persuasi essent, quod recupe-
ratæ libertatis beneficio ad communem
patriæ salutem, & ad finiendas in Bel-
gio calamitates, tranquillitatemque re-
cuperandam uti decrevisset, spe fretus,
Deum eandem cunctis mentem inspira-
turum, ipsisque eandem largiturum gra-
tiam, qua non modo viam mandatorum
eius strenue percurrent, sed & æter-
nam aliquando gloriam consequerentur.
Paulopost Albertus quoque datis ad
Mauritium, & fœderatos Ordines lite-
ris adventus sui caussas exponens pe-
tebat, ut delegatos de pace secum actu-
ros decernerent: idem quoque Arau-
sionensis Princeps epistola ad Mauri-
tium fratrem suum data efflagitabat,
seque pacis conciliandæ arbitrum offe-
rebat: cum autem Belgii Ordines ejus-
modi colloquium recusarent, atque ipsi
Arausionensi petitas securitatis literas

C 2 dene-

Sæcul. XVI. denegarent, Albertus cuncta ad bellum
A.C. 1596. necessaria parare cogebatur; vicissim

vero Belgii Ordines die quarta Aprilis severum oppido edictum promulgabant, quo indicta etiam capitis pœna hæc præcipiebantur. I. Inter populos Philippo II. Hispaniarum Regi addictos, & urbes fœderatas nullum colloquiorum, literarum, vel nuntiorum commercium sit, nec ullus ultra sex menses in re-gione hosti subjecta moraretur absque Mauritii licentia. II. Omnes fautores perniciosæ, & sanguinariæ Jesuitarum sectæ (ita sonant edicti verba) fœderatis provinciis penitus exturbentur, eisque aditus omnis præcludatur. III. Nullus Jesuita, nec ullus apud eos studiis vacans hasce provincias, et si publicæ securitatis literis munitus esset, accedere permittatur. IV. Intra bimestre omnes Jesuitæ Reipublicæ finibus egrediантur, nunquam reversuri, nisi ejus-ratio Hispaniarum Regis obsequio. V. nullus eorum Gymnasia frequentet, nec ullus in Academiis Hispaniæ imperio subjectis promoveatur, indicta decem millium florenorum mulcta. VI. Illi, qui interposito Catholicæ fidei defendendæ juramento ad literarios dignitatis gradus evehentur, ad nulla in Provinciis fœderatis officia, & munera publica admittantur: si vero jam nunc promoti

promoti sunt, a jurejurando intra se-
mestre se absolví current, ejusque loco **Sæcul.XVL**
sacramento fidelitatis erga patriam **A.C.1596.**
fese obstringant. Ex hoc edicto Alber-
tus Archidux satis probe cognoverat,
quod fœderati ad arma capeſſenda ani-
mum magis, quam unquam alias, pro-
clivem foverent.

§. XVIII.

Fera ab Henrico Galliarum Rege obſeffa.

Ergo Archiduci pugnandum erat con- **Gallutius**
tra duos hostes, Fœderatos scilicet **de bello Bel-**
intra Belgium velut intestinum bellum **gico l.8.**
parantes, & contra Henricum Gallia- **pag.311.**
rum Regem, qui jamjam ditionem Hi-
spanicam infestans, ut Cameracensis
Urbis a Philippo II. occupatæ jacturam
compensaret, suadentibus Bironio, &
Sanlucio Feram Picardiæ urbem obſi-
debat, tamque arcte cinctam tenebat,
ut interclusa advehendi commeatus op-
portunitate infractam Præsidiariorum
fortitudinem famis violentia superaret:
verum Albertus ad iteratas Alvari Oſo-
rii Gubernatoris ſollicitationes Georgio
Bastæ Epirotæ magni nominis Belli-
duci tempeſtive negotium dabat, ut
cum delectis decem Equitum turmis
maximam, quam poſſet, tritici copiam
urbi obſeffæ inferret. Baſta die unde-

C 3 cima